



21. November 2023

**Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.**

**Naalakkersuisunut apeqqutit:**

1. Kangerlussuup sakkutooqarfittut inerisarneqarnissaa aamma Arktisk Kommandop inerisarneqarnissaa Naalakkersuisut ilisimasaqarfigaat?
2. Timmisartunik nakkutilliinermi atorpeqartussanik pisiortornissat allaaserineqartumi nittarsaanneqartut pillugit qanoq Danskit illersornissamut Ministerianniik Naalakkersuisut qanimut suleqatigineqarpat?
3. Nunatta soqutigisai sapinngisamik qulakkeerniarlugit nunatsinni illersornissakkut ilusilersuinissamut Issittumi pilersaarusionerit pillugit Naalakkersuisut qanoq malinnaatinneqartigippat?
4. Arktisk Kommandop Nuummi inissisimanerata tamakkiisumik Kangerlussuarmut nuunneqarnissaa pillugu Naalakkersuisut pilersaaruteqarpat?
  - a. Taamaappat pilersaarutit suuppat qaqugulu piviusunngorsarneqarnissaat naatsorsuutigineqarpa?
  - b. Nuussinissarlu pillugu Naalakkersuisut Danskit illersornissamut ministeriannut apuussaqaarnikuuppat?

(Inatsisartunut ilaasortaq Najaaraq Møller, Siumut)

**Tungavilersuut:**



Paasissutissat nittarsaanneqartut nutaat aallaavigalugit Danskít Naalagaaffiat Issittumi ilaatigut Kangerlussuarmi illersornissaq pillugu sakkutooqarfiliornissamut arlalinnik pilersaaruteqarpoq, taakkualu paasissutissat Naalakkersuisut ilisimaneraat paaserusuppara qanorlu annertutigisumik peqataaffigisimaneraat<sup>1</sup>.

Danskít illersornissamut Ministeriat Morten Bødskov aamma Nunanut Allanut Naalakkersuisoq Vivian Motzfeldt Issittumi illersornissamut tunngatillugu isumaqatigiinniarnerni Kalaallit Nunaannut tunngasunik sinaakkusersuinermi Naalakkersuisut qanimut suleqatigineqarnissaat atsioqatigiissutiginikuaat, Naalakkersuisuniillu piumasaqaataareernikuuvoq nunarput issittorlu pineqartillugu Kalaallit Nunaat minnerpaamik peqataatinneqartassasoq<sup>2</sup>.

Apeqqutigineqartut ullut suliffiusut qulit iluanni akeqquneqarput.

---

<sup>1</sup> Lækkede dokumenter viser, hvordan Forsvaret vil bruge over 100 milliarder kroner – og der er én klar taber, siger analytiker - TV 2

<sup>2</sup> Ny aftale mellem Danmark og Grønland om inddragelse af forberedelser til forsvarsforliget (fmn.dk)



19. august 2022

# Illersornissamut isumaqatigiissutissap tulliuq suliarineqarnerani peqataatinneqarnissaq pillugu Nunanut Allanut Inuussutissarsiornermut Niuernermullu Naalakkersuisoq aammalu Illersornissamut Ministeri akornanni isumaqatigiissut


Danmarkip Naalakkersuisa, Savalimmiut Naalakkersuisa Naalakkersuisullu akornanni Nunanut Allanut, Sillimaniarnermut Illersornissamullu Attaveqarluni ataatsimiitsitaliamut suliaqatigiissutissat naapertorlugu aammalu illersornissamut sillimaniarnermullu tunngatillugu kunneqarfimmi namminerimi qaninnerusumik suleqatigiittoqarnissaa kissaatigineqarmat isumaqatigiissutissaq manna isumaqatigiissutigineqarpoq.

Illersornissaqarfiup Issittumi suliarisartagai Kalaallit Nunaannut inuiaqatigiinnullu kalaallinut qanimut allanngortinneqarsinnaanngitsumillu attuumassuteqarmata, illuatungeriit isumaqatigiissutigaaq illersornissaq pillugu isumaqatigiissutissap piareersarneqarnerani Naalakkersuisut akuutinneqartarnerat annertusineqassasoq. Issittoq eqqissisimaffiunissaa sakkulorsorfiunnginnissaalu pingaaruteqarnera naqissusernissaa illuatungeriitaaq isumaqatigiissutigaaq. Suleqatigiinnissaq naligiittut, ataqpeqatigiilluni, tatigineqatigiilluni peqatigiikkumanermillu tunngaveqarluni ingerlanneqassaaq.

Illuatungeriinnit oqaatigineqassaaq illersornissamut politikki naalagaaffiup suliaqarigaa aammalu nunat tamat akornanni inatsisit malillugit inuiaat kalaallit namminneq aalajangiisnaassuseqarlutik inuiaanerat. Danmarkip Kalaallit Nunaatalu akornanni peqatigiilluni ingerlatat naligiittumik ataqpeqatigiittumillu ingerlanneqarnissaasa siuarsarneqarnissaat illuatungeriinnit kissaatigineqarpoq.

Tamatuma kingunerisaanik Naalakkersuisut taakkuluunniit sinnerlugit peqataasussat sammisaqarluni ataatsimiittarnerni ilisimatitsisarnernilu pisariaqartinneqartuni peqataasassapput tamatumalu saniatigut paasissutissanik Kalaallit Nunaannut Illersornissaqarfiullu Issittumi Atlantikullu avannaani suliarisartagaanut tunngassuteqartunik Folketingimi ilaasortat assigalugit nassinneqartalissallutik. Isumaqatigiissutissap imassaanut tunngatillugu tunuliaqutitut paasissutissat siunnersuutigineqartunullu tunngavilersuutit pisariaqarfiatigut Naalakkersuisunut agguanneqartassapput. Sapinngisamik paasissutissat piffissaagallartillugu agguanneqartassapput. Paasissutissat Kalaallit Nunaannut Issittumullu tunngassuteqartut Folketingimit ilaasortaatanut agguanneqartinnagit Naalakkersuisut tusarniarneqaaqartassapput tassuunakkut paasissutissat tunniunneqartut tamakkiisuuneri nalilersinnaajumallugit. Isumaqatiginninniarnep ingerlanera pillugu Illersornissamut ministeriaqarfik Naalakkersuisullu Inatsisartunut ilaasortanut ilisimatitsissuteqassaaq.

Isumaqatigiissut illuatungeriit ullormi atsiorfianit atuutsilersinneqassaaq illersornissamullu isumaqatigiissutissap 2024-mi atuutsilersussap piareersarneqarnerata nalaanni atuutsinneqassalluni.



Mørten Bødskov  
Illersornissamut Ministeri



Vivian Motzfeldt  
Nunanut Allanut Inuussutissarsiornermut  
Niuernermullu Naalakkersuisoq